

SAKSPAPIR

Saksnr	Utval	Type	Dato
028/19	Levekårsutvalet	PS	17.09.2019
062/19	Formannskapet	PS	19.09.2019
	Kommunestyret	PS	

Saksbehandlar	ArkivsakID
Eileen M Feste	17/1525

Søknad: Miljø standplassbygg Lindås skyttarlag

Vedlegg :

Lindås skyttarlag budsjettLindås skyttarlag tegningLindås skyttarlag tegning sørLindås skyttarlag østLindås skyttarlag støy fra baneLindås skytterlag søknad

Rådmannen sitt framlegg til vedtak

Det blir ikkje gjeve økonomisk tilskot og lånegaranti til ny miljø standplassbygg til Lindås skyttarlag.

Dette er ei vurdering som må opp i samband med ordinær budsjettprosess

.....

Levekårsutvalet - 028/19

LE - behandling:

Orientering til saka v/Eileen Feste-Kst. kultursjef

Fellesframlegg:

Levekårsutvalet rår til at Lindås kommune gjev kr. 1.000.000,- i tilskot til bygging av miljøstandplass på Lindås skyttarlag sitt anlegg.
Framlegget vart samrøystes vedteke.

LE - vedtak:

Uttale i Levekårsutvalet - 17.09.2019:

Levekårsutvalet rår til at Lindås kommune gjev kr. 1.000.000,- i tilskot til bygging av miljøstandplass på Lindås skyttarlag sitt anlegg.

Saksopplysningar:

Politisk handsaming

Saka skal til uttale i Levekårsutvalet

Saka skal til innstilling i Formannskapet

Saka skal avgjerast i Kommunestyret

Bakgrunn

Lindås skyttarlag søkjar i brev datert 10.05.19 Lindås kommune om tilskot til miljøstandplass på deira anlegg ved Haukås på Lindås.

Lindås skyttarlag driv skyteaktivitetar i regi av Det frivillige skyttarvesen (DFS). Bana på Haukås har 6 skiver på 100 og 300 meter, med skiveelektronikk. Laget hadde 228 medlemmar i 2018, der 30 av desse er ungdom.

Dagens anlegg på Haukås vart oppført i 1963. Etter den tid har Lindås kommune gjeve løyve til bygging av bustadar som ligg innfor støysona til skytebana. Støy frå anlegget har etterkvart fått fram behov for tiltak for å betre miljø både for naboar og skyttarar.

Vurdering

I samband med arbeid i nye Alver kommune, er det nedsett ei prosjektgruppe for anleggsstrategi med repr frå Meland, Radøy og Lindås samt interimsstyret for Alver idrettsråd. I ei førebels prioritering av rullering av anleggsplan, ligg både Lindås skyttarlag og Seim skyttarlag inne i planen. Saka skal behandlast politisk til hausten.

Tiltak for å redusera støy, er å byggja miljøstandplass. Denne har som mål å dempe støy frå skytebana, og vil medverka til ei betre oppleving for dei som bur rundt, og for dei som driv aktiviteten.

Teikningar og layout er utarbeidd av Rieber Prosjekt A/S. Det er planlagt 16 standplassar, inklusiv klubbhus og toalettfasilitetar. Når anlegget er ferdig, skal det stå fram som eit moderne skyteanlegg. Lindås skyttarlag vil i sterkare grad vera eit attraktiv tilbod for ungdom.

Økonomi

Prosjektet har ei kostnadsramme på kr 3.585.000 (inkl mva 25% kr 717.000) I denne ramma har skyttarlaget lagt til grunn spelemidlar på 33%. Det er grunn til å tru at denne satsen vil vera noko lågare.

Lindås skyttarlag søkjer Lindås kommune om

- | | |
|---|--------------|
| 1. tilskot til bygging av miljøstandplass | kr 1.000.000 |
| 2. Byggjelån/finansiell garanti mot bank | kr 1.400.000 |

Punkt 2 i søknaden frå skyttarlaget kan løysast ved at Lindås kommune forskutterar midlane, og at dei vert motrekna mot spelemidlar. Handtering av ein eventuell differanse mellom forskottering og spelemidlar bør beskrivast i ein nedbetalingsavtale.

Spelemidlar

Godkjende anlegg for spelemidlar har dei siste åra måtta venta minimum 3 år for første utbetaling. Det er kommunestyret som gjer vedtak om den politiske prioritering av anlegg (prioritering spelemidlar). Denne prioriteringar avgjer saman med total søknadsmasse frå Alver kommune, kor lang tid det tar før skyttarlaget sitt prosjekt får utbetaling.

Spelemlane blir utbetalt frå fylket til kommunen, før kommunen står for utbetalinga til skyttarlaget. Om Lindås kommune skal forskottera kr 1.400.000, må det ligga føre ein avtale om at skyttarlaget tilbakebetalar summen til kommunen når spelemlane er utbetalt.

.....